

Kandidat za Predsjednika i Upravnog odbora Udruženja Inženjera i Tehničara Šumarstva Federacije Bosne i Hercegovine:

**Refik (Mehmedalija) Hodžić, dipl.inž.šum.**

## **PROGRAM RADA**

**UDRUŽENJA INŽINJERA I TEHNIČARA FEDERACIJE BOSNE I HERCEGOVINE**

**Kladanj, Mart 2018.godine.**

## **KONTAKT INFORMACIJE**

Ime: Refik ( Mehmedalija) Hodžić, dipl.inž.šum.

Adresa: Zlatana Mešića 61.

Grad, država: Tuzla, Bosna i Hercegovina

Mobitel: 061/ 724 - 001

Email: rfik.hodzic@hotmail.com

## **LIČNE INFORMACIJE:**

Datum rođenja: 05. 01. 1962.g.

Mesto rođenja: Starić - Kladanj

Državljanstvo: BiH

Bračni status: Udovac

Deca: Otac dvoje djece, sin i kćerka

## **ISTORIJA ZAPOŠLJAVANJA**

Rad Povijest : Završio šumarski Fakultet u Sarajevu 1988 godine. Iste godine u aprilu sam počeo da radim u Kladanjskom šumarstvu. Godine 1991 sam prešao u PDS Šumarstvo „Svatovac“ Živinice. Od 2000 godine formira se Kantonalno preduzeće JP „Šume TK“ DD Kladanj u kojem radim i dan danas. Obnašao sam sve poslove u šumarstvu koje treba da prođe svaki inženjer šumarstva. Imam 30 godina rada u šumarskoj struci u praksi, što mi je omogućilo da steknem neophodno znanje za koje treba da ima svaki inženjer da bih mogao biti na rukovodećim pozicijama u praksi u korištenju sa šumama ili i upravljanju sa šumama u nadležnim institucijama.

Obnašao sam slijedeće pozicije u šumarstvu: Projektant u šumarstvu, Tehnolog za uzgoj, zaštitu i iskorištavanje šuma, Šef tehničke službe i prireme rada, Upravnik šumarije, Tehnički direktor, Direktor kantonalnog preduzeća!

## **PROFESIONALNE KVALIFIKACIJE**

Certifikacije i akreditacije: Certificiranje gospodarenja šuma

Računarske Vještine: Microsoft office

Strani jezik; Engleski (malo)

## **ISTRAŽIVANJA I / ILI PUBLIKACIJE**

Objavljeni stručni tekstovi u list Naše šume

## **KNJIGE**

Registar rijetkih i historiski značajnih stabala na području Tuzlanskog kantona(koautor)

**PROGRAM RADA (2018. – 2022.g.)  
UDRUŽENJA INŽINJERA I TEHNIČARA ŠUMARSTVA FBiH (UŠIT-a FBiH)**

**UVOD**

Program rada UŠIT-a FBiH za mandatni period 2018. – 2022. godina se predlaže na osnovu utvrđenih ciljeva Udruženja definisanih Statutom i ostalim internim aktima, te na osnovu trenutnog stanja u oblasti šumarstva u FBiH i BiH.

UŠIT-a FBiH mora imati svoju viziju i misiju koju treba ugraditi u interne akte Udruženja a koje objedinjuju sve ciljeve Udruženja. Vizija i misija trebaju da budu vodilja u budućem radu UŠIT-a FBiH.

**Vizija:** Svojim nasljednicima ostviti šume u boljem stanju nego što smo ih mi naslijedili!

**Misija:** Politiku gospodarenja šumama provoditi na principima održivog gospodarenja šumama!

Za definisanje osnovnih smjernica rada UŠIT-a FBiH za novi mandatni period, potrebno je u kratkim crtama prikazati osnovne ciljeve Udruženja i trenutno stanje u oblasti šumarstva u FBiH.

**Ciljevi UŠIT-a FBiH:**

1. Afirmisati šumarsku struku i profesiju, kako bi stekla i održala pripadajuću ulogu i značaj u društvu koja odgovara ulozi i značaju šuma i šumarstva u ukupnom ekonomskom, privrednom, socijalnom i ekološkom pogledu.
2. Učestvovati u pripremi i donošenju šumarske politike, strategije šumarstva, zakona i podzakonskih akata i dati puni doprinos jedinstvenim progresivnim i dugoročno održivim rješenjima.
3. Preuzimati aktivnosti radi poboljšanja statusnog i materijalnog položaja Udruženja.
4. Obrazovati članove Udruženja i građane putem seminara, predavanja i ekskurzija, izmjena stručnih iskustava i aplikacija, naučnih iskustava koristeći sve vidove komunikacija.
5. Organizirati izdavanje časopisa, kao i objavljivanje stručnih i naučnih djela u skladu sa Zakonom.
6. Uspostavljanje saradnje sa sličnim udruženjima, naučnim i stručnim institucijama u zemlji i svijetu sa ciljem razmjene iskustva i saradnje.

**Trenutno stanje u šumarstvu u FBiH:**

Prema ocjenama stručnih osoba i stručnih krugova iz oblasti šumarstva, stanje u šumarstvu u FBiH do sada nikad nije bilo lošije. Takvo stanje je proizašlo zbog nepostojanja prihvatljive politike gospodarenja šumama u FBiH i BiH. U FBiH ne postoje krovni dokumenti (II Iventura šuma BiH, Program gospodarenja šumama i Studije) iz kojih treba da se koriste smjernice kod izrade Zakona o šuma. Zakona o šumama nema od 2009. godine u FBiH. Nepostojanja krovnog Zakona o šumama na nivou Države Bosne i Hercegovine. U takovom stanju odnos subjekata koji učestvuju u upravljanju, korištenju i nadzora nad šumama je neodgovarajući i različit od kantona do kantona što se odrazilo na stabilnost šumskog ekosistema i na ugrožavanja principa trajnosti i

polifunkcionalnosti gospodarenja sa šumama. U period ne postojanja Zakona o šumama FBiH, došlo je do ugrožavanja zdravstvenog stanja šuma koje je kao posljedica velikog broja opožarenih površina, kalamiteta štetnika na šumu, velikih sušnih perioda, lošeg korištenja i upravljanja šuma što je za posljedicu proizvelo velike količine sanitarnih siječa.

### JACANJE KAPACITETA I UNAPREĐENJE RADA UDRUŽENJA

1. Npraviti Plan aktivnosti na vraćanju ugleda i pozicije struke u BiH, na mjesto koje joj je nekad pripadalo i promovisati važnost struke odnosno šumskog ekosistema na lokalnom i globalnom nivou.
2. Rad Udruženja promjeniti u operativnom smislu, tj. održavati zajedničke satanke Upravnog odbora i drugih organa u sjedištima kolektivnih članica u cilju aktueliziranja i dinaminiziranja aktuelnih problema u gospodarenju sa šumama svih kolektivnih članica.
3. Realizirati Odluku Skupštine UŠIT-a iz Decembra 2017. godine o nabavci službenih prostorija Udruženja,
4. Permanentno raditi na promociji svih vrijednosti koje zastupa struka u cilju jačanja individualnog i kolektivnog članstva.
5. Udruženje će raditi aktivno na planskom osmišljavanju aktivnosti na održavanju Federalne i Kantonalnih šumarijada, na kojima će se vršiti smotra i promocija, takmičenja iz šumarskih i sportskih disciplina te publikacija stručnih i naučnih radova te održavanje okruglih stolava iz oblasti šumarstva,
6. Uspostaviti efikasniju saradnju svih ŠPD/ŠGD sa Šumarskim fakultetom iz Sarajeva u cilju kvalitetnijeg i efikasnijeg rada na izradi i realizaciji Planova gospodarenja sa šumama, te promociji značaja struke i planiranih i ostvarenih rezultata u struci.
7. Udrženje da uspostavi most između direktora ŠPD/ŠGD, u cilju formiranja neformalnog kolegija direktora na kojem će se analizirati stanje u struci u cilju poduzimanja mjera i aktivnosti na atklanjanju problema i promovisanju struke,
8. Udruženje će raditi na uspostavljanju mosta između svi nadležnih institucija kantonalnog i Federalnog nivoa i ŠPD/ŠGD koji učestvuju u upravljanju, korištenju i nadzoru nad šumama.
9. Udruženje će raditi na analizi stanja u struci kroz godišnju analizu realizacije Planova upravljanja(Institucija) i Planova korištenja šuma (ŠPD/ŠGD) sa davanjem eventualnih preporuka.
10. Udruženje će pokrenuti aktivnosti na uspostavljanju kvalitetnije saradnje sa drvo-prerađivačima u cilju realizacije ciljeva udruženja i efikasnije saradnje ova dva sektora!

## **OSIGURANJE STABILNE FINANSIJSKE KONSTRUKCIJE ZA FUNKCIONIRANJE UDRUŽENJA**

1. Udruženje da osigura potpisivanje novih ugovora o kolektivnom i pojedinačnom članstvu kao i sigurnu realizaciju navedenih i starih bilateralnih ugovora o kolektivnom članstvu sa dosadašnjim članicama, preduzećima (šumarstva i drvo-prerade) i institucijama šumarstva. Navedeni zadatak se može realizirati samo sa kvalitetnim radom svih organa Udruženja kao i svih članova!
2. Da Udruženje i članstvo pratiti sve javne pozive za finansiranje i sufinansiranje projekata iz oblasti šumarstva i zaštite okoliša da se uz angažman članstva uključi na prijavi projekata za udruženja, NVO i neprofitne organizacije kod nadležnih državnih institucija, ambasada i međunarodnih institucija.
3. Da Udruženje osigura ključne aktivnosti na stvaranje preduslova (**edukaciju izrade projekata**) za pripremu kvalitetnih projekata kod nadležnih domaćih i inostranih institucija, težeći ka što boljem osiguranju finansija za kontinuiran i stabilan rad Udruženja.
4. Intenziviranje kontakata sa društveno odgovornim javnim i privatnim preduzećima u cilju osiguranja sponzorstva, donacija i finansijske podrške za rad Udruženja a za uzvrat da Udruženje pruži uslugu iz domena Udruženja navedenim subjektima na partnerskim osnovama.
5. Da Udruženje radi na marketingu ciljeva i usluga za koje se bori u cilju jačanja-povećanja broja pojedinačnih i kolektivnih članova Udruženja
6. Da Udruženje radi u koordinaciji sa individualnim i kolektivnim članovima obezbjediti kontinuiranu naplatu pojedinačnih članarina putem platnih lista po preduzećima i institucijama.
7. Web stranicu, Facebook stranicu i časopis Naše šume da Udruženja pripremi i ponudi za reklamiranje prigodnih sadržaja preduzećima, institucijama, NVO i međunarodnim institucijama.

### **POVEĆANJE BROJA INDIVIDUALNIH I KOLEKTIVNIH ČLANOVA**

1. Udruženje će raditi na povećanju broja pojedinačnih i kolektivnih članova udruženja u cilju ostvarivanja misije i vizije udruženja odnosno ciljeva udruženja kako bi se efikasnije ostvarili ciljevi Udruženja u javnosti, stručnim i naučnim krugovima na domaćoj i međunarodnoj sceni!
2. Udruženje će raditi na promociji, stručnih, naučnih radova, ostvarenih dobrih rezultata u upravljanju i gospodarenju sa šumama, ukazivanje na probleme u gospodarenju sa šumama, važnosti šumskog ekosistema za život čovjeka na planeti zemlji, kako bi privuklo javnost za učlanjivanje.

3. Udruženje će raditi na angažmanu pojedinačnih i kolektivnih članova u njegovom radu kroz komisije, projekte, seminare, svečane manifestacije, promocije knjiga i časopisa i dr. kako bi omogućilo i zadovoljilo potrebe svih svojih članova čime bi kroz taj javni rad privuklo nove pojedinačne i kolektivne članove.

### **AKTIVNO UKLJUČIVANJE UDRUŽENJA U AKTUELNA PITANJA U VEZI ŠUMARSTVA I JAČANJE SARADNJE NA NACIONALNOM I MEĐUNARODNOM NIVOU**

1. Udruženje će da radi na animiranju svih nadležnih institucija Federalnog, Kantonalnog i lokalnog nivoa kao i aktivno učešće Udruženja u procese donošenja dokumenata koji se odnose na utvrđivanju ispravne politike gospodarenja sa šumama u FBiH kao što su; usvajanje rezultata II inventure šuma u BiH, Izrade smjernica za Programe i Planove gospodarenja sa šumama, usvajanje Programa razvoja šumarstva FBiH, izrada Zakona o šumama Federacije Bosne i Hercegovine.
2. Udruženje će nastaviti aktivnosti na unapređenju saradnje sa sličnim strukovnim organizacijama u BiH i inozemstvu u cilju promoviranja razmjene iskustava i stručnih dostignuća. Poseban akcenat staviti na regionalnu saradnju.
3. Udruženje će aktivirati ideju o formiranju **Savjeta šumarskih udruženja u BiH**, jer nisu već duži niz godina pokrenute aktivnosti u radu Savjeta šumarskih udruženja Bosne i Hercegovine, svakako ovu aktivnost treba intenzivirati na principima uzajamnih partnerskih odnosa i fer distribucije uloženi napore i ostvarenih efekata, sa ciljem otklanjanja problema kojima je izložena šumarska struka u Bosni i Hercegovini.
4. Udruženje će nastaviti kontinuirano izražavanje spremnosti **Udruženja da konstruktivno saraduje sa svim relevantnim subjektima u oblasti šumarstva**, zakonodavnom i izvršnom vlašću, nevladinim sektorom, naučno-obrazovnim institucijama i međunarodnim organizacijama u cilju očuvanje šumskih resursa, unapređenja razvoja sektora šumarstva u BiH i procesima razvoja nacionalne šumarske i okolišne politike, koji su inicirani od strane vladinih organa, nevladinog sektora, naučnih institucija, preduzeća i sl.
5. Udruženje će raditi organizovanju i učešću zainteresiranih članova Udruženja (na komercijalnoj osnovi) na sportskim i stručnim manifestacijama, kako u zemlji tako i u inozemstvu.
6. Udruženje će nastaviti uspostavljenu saradnju u organizaciji **edukacije/treninga** u saradnji sa Generalnom direkcijom za šumarstvo Republike Turske u zavisnosti od potreba šumarske privrede, zatim sa Udruženjima šumarstva iz Hrvatske, Srbije, Crne gore, Slovenije te ostalim Evropskim zemljama.
7. Udruženje će nastaviti aktivnosti preuzetih obaveza iz Ugovora iz organizacije članica uključenih u „PLANFOR“ platformu.
8. Udruženje će uzeti učešće na domaćim i međunarodnim konferencijama naučno-istraživačkih institute, Republike Turske, zemljama regije kao i ostalim zemljama Evropske unije

9. Udruženje će **organizirati studijska putovanja na domaćem i međunarodnom nivou** sa ciljem da se upoznaju sa naučnim, stručnim dostignućima te načinom rada korisnika i upravitelja šuma i zaštićenih područja u cilju primjene pozitivnih primjera u upravljanju i korištenju sa šumskim ekosistemom u FBiH
10. Udruženje će u saradnji sa “Sarajevo šumama”, TIKA-om, Turskom ambasadaom u BiH i Generalnom direkcijom za šumarstvo Republike Turske **nastaviti aktivnosti na finalizaciji projekta “Park šume Prijateljstva” u Sarajevu.**
11. Udruženje će u saradnji sa KJP “Sarajevo šume”, Vladom Kantona Sarajevo i ostalim članovima udruženja **organizirati takmičenje 53. EFNS-a 2021 u Sarajevu** (Evropskog prvenstva šumara u nordijskim ski disciplinama) jer je BiH, UŠIT-a FBiH, KJP “Sarajevo šume” dobilo ulogu domaćina ove manifestacije od strane Organizacionog komiteta EFNS-a održanog u Italiji.

### UNAPREĐENJE IMIDŽA ŠUMARSKE STRUKE U JAVNOSTI

1. Udruženje će **unaprediti saradnju sa svim medijima u Bosni i Hercegovini i inozemstvu**, promoviranjem značaja šumskih resursa i šumarske struke u javnosti, te nastaviti aktivnosti sa oglašavanjem u printanim i elektronskim medijima i web stranici Udruženja.
2. Redovno popunjavati Web i Facebook stranicu Udruženja sa aktivnostima i sadržajima sa ciljem povećanja transparentnosti rada Udruženja.
3. Nastaviti **dobru praksu oglašavanja Udruženja** povodom svih aktuelnih pitanja iz sektora šumarstva, lovstva i zaštite prirode i okoliša.
4. Štampanjem prigodnih poster prezentacija, afiša i manjih publikacija prezentirati šumu i šumarstvo Bosne i Hercegovine javnosti.
5. Organizirati sastanak sa direktorima preduzeća šumarstva za na temu unapređenja imidža šumarske struke u javnosti.
6. Organizirati seminar za sve članove Udruženja za edukaciju na temu medijskog predstavljanja i unapređenja šumarske struke.
7. Udruženje će održavati redovne konferencije svakih šest mjeseci i vanredne zavisno od potrebe.

### JACANJE EDUKACIONIH AKTIVNOSTI I PROMOVIRANJE STRUČNOG UNAPREĐENJA ČLANOVA UDRUŽENJA

1. Udruženje će organizirati stručne - edukativne seminare za članove Udruženja na osnovu iskazanih potreba i aktuelnih problema u sektoru šumarstva sa ciljem nastavka promoviranja koncepta cjeloživotnog učenja (zaštićena područja, pristupni fondovi EU, planiranje u šumarstvu. zaštita šuma i sl.).

2. Udruženje će uzeti aktivno učešće na domaćim stručnim seminarima, savjetovanjima i raspravama po aktuelnim temama vezanim za djelovanje Udruženja.
3. Udruženje će organizirati **Konferenciju/Kongres**, radionicu o šumarstvu, po pitanju aktuelne problematike u šumarstvu Bosne i Hercegovine.
4. Udruženje će uzeti učešće na međunarodnim kongresima, simpozijumima i konferencijama po aktuelnim temama vezanim za djelovanje Udruženja.
5. Udruženje će organizirati **prijeme šumarskih i drugih delegacija** iz regiona i Evrope po aktuelnim pitanjima iz oblasti šumarstva za koje su ukažu potrebe.
6. Udruženje će vršiti **dodjelu priznanja i nagrada** zaslužnim članovima Udruženja, institucijama, organizacijama na domaćem i međunarodnom nivou u skladu sa Pravilnikom Udruženja.

### JACANJE IZDAVAČKE DJELATNOSTI

1. Udruženje će nastaviti kontinuirano **izdavanje časopisa "Naše šume"**, te njegovu međunarodnu verifikaciju i promociju.
2. Udruženje će finalizirati aktivnosti na projektu **fotomonografije: „Prašume Bosne i Hercegovine“**, odobrenom od Fonda za zaštitu okoša FBiH, te aktivno učestvovati na sličnim konkursima koji unapređuju izdavačku djelatnost iz ciljeva udruženja.
3. Udruženje će u skladu sa finansijskim mogućnostima **finasirati stručne publikacije** (knjige, monografije i sl.) iz djelatnosti Udruženja u cilju unapređenja i promovisanja značaja šumarske struke i zaštite okoliša.

### ZAKLJUČNA RAZMATRANJA

Ovaj Program rada UŠIT-a FBiH sadrži osnovne smjernice rada Udruženja za mandatni period od 2018. – 2022. godine. Navedene smjernice će biti detaljno razrađene u godišnjim planovima rada Udruženja te kvartalnim operativnim planom Upravnog odbora Udruženja. U skladu sa Statutom Udruženja svaki Godišnji Plan rada biće na razmatranju pred Skupštinom te se isti može unaprediti.

Efikasnost u realizaciji Programskih ciljeva će ovisiti od angažmana svih organa upravljanja UŠIT-a FBiH , komisija i članica Udruženja!

Kandidat za predsjednika UŠIT-a FBiH:

Mart, 2018.godine.

Refik Hodžić, dipl.inž.šum.